

www.BibleForChildren.org

Matiu 8



Enta taaraqanta aitaromanta Karirini vatuka vo
Kenaqi nahenti irareka vauvaro Ihura novavata mini
vaumanta vi vatanaaka Ihuravata, vira
vaintinavuvata, naaromanta vinavukavata mini vura.



Vinavuka oru vaiha kara ne vauvaro uaini namari taiqa
vuvaro Ihura nova Ihura tiva amiro tiharo, Uaini
taiqama vivo, tiro. Minti tuvaro Ihura nova kaiqa
vaiintinavu tiva nimitiro tiharo, Viva nana kaiqae niara
varaate tiramanta, ne viva tinantemake varaate, tiro.



Ihuva kaiqa vaiinti vika tiva nimito tiharo,
Ho vi taqunavuraqi qaqi namariqohai ekaa
kaqa mpiqa kaate, tumanta qaqi namari
kaqa vare vuru qahiare vauvaro ekaa taqu
noqaa mpiqa vura.



Mpiqa vuvaro Ihuva qaiqaa tiharo, Ho taquqihai kaga vare vuru karaqaa raqiki vai vaiintira amivaro neharo tavaarire, tiro.



Minti tumanta vinavuka taquqihai vi namarira kaqa
vare vuru karaqaa raqiki vau vaiintira amuvaro vi
vaiintiva qaqi namarivano
uainiqama vura neharo
tavovaro koqe uvaro viva
kiama namari vira kaqo
uvara iriraitiro
vaumanta, vira kaiqa
vaiintinavuqaima
virara irura.



Mintuvaro karaqaa raqiku vaiintiva neharo tavovaro
koqe uaini vauvaro quaha kero nahenti varo vaiintira
aarama kero vira tiva amiro
tiharo, Ike, vokiaka koqe
uaini naane vaiinti nahenti
nimiamanta nama taiqa
kaamanta naantiara
qora uaini nimi
variarave.



Are kia vika iantema kera nimira iarao. Te tavaurara
are vo uaini avuni nimira, viragaahaira koqe uaini
naantiara nimira iarao,
tiro. Minti turama.



Ihuva Kariri vataini Kenaqi vaiharo qaqi namari
varakero uaini tuqantaa nimitora.

Viva vi kaiqara naane avuni
hoqarama tero,
viraqaahairo vo kaiqa vo
kaiqa nora kaiqa varaqiro
vurama.




Viva vi kaiqara varomanta vira vaintinavu vira kaiqa
tavehama Ihura okara mpeqa
okarara kankomake iri,
virara ho quqaa vi vaiintiva
tinavu kahaqiariravama
vaivo ti tura.



Ihuva Pitaara naavuqi oru vaiharo
tavovaro Pitaara aintaantara vira
vaata iha ite vauvaro taintaqaa
vaitatero vauvaro . . .



. . . Ihuva oru vira kauqu utu varovaro vira rovaravano
vaaka taiga vuvaro vi nahentiva himpiro vira kara
qera i vaura.



Ihuva vi vatukaraqiqi vauvaro kuarivano ruhunku vuvaro
entama vumanta vaiinti nahenti nihavukavata,
vaanavano avutaqi
vaukavata, ntita vare
Ihuva vaunaini vuru
kora.




Vuru komanta ekaa vi vatanaakavata Ihuva vau
naavura gentiana ruvaagumavi mpiqavi vauvaro Ihuva
vaiinti nahenti airitahaa
vo rovara vo rovara
varoka kogema
nimitovaro vika rovara
taiqa vumanta ho
vauvaro vaanavano
vaiinti avutaqi vau
vaanara vo vaiinti
vo vaiintiqihairo
nititama komanta
vika aitare vura.



Vika aitare vi vauvaro Ihuva vaana vika qioqamatero tiharo, Ne kiama uva tivarave, tiro. Vaana vika vira viraqamake tavovarora tiro, Ihuva minti turama.



Ihuva mintiaqiro vuvaro viraqihairo vira kempukavano
oru vaiinti nahenti airitahaa kogema nimitomantara
ti, ekaa vaiinti nahenti vira autama kareka auti vaura.



Ihuva vika tiva nimi vaumanta vaiinti vonavu náí kena
vaiinti vo vira vaata qutu ravavura tainta vare anura.



Erakaimaante vaiintinavu vira tainta vare Ihuva vau
naavuraqi aumanto virare ti, tavomanta vaiinti
nahenti airi viraqi mpiqavi vaumanta vinavuka naavuqi
origeteva kia ho vaura.



Kia ho vaumanta vinavuka qaqirake
naavu qiata tanuqiraqaa vaarire vi
vaiintira naavu qiataqaa vara vaari
vate, Ihuva naavu avutaqi vaumanta
vinavuka Ihuva vaura maariraqaa
naavu qiata
ntomake.



Naavu qiata ntomake viragaahai
aihavu vaiintira taintaqa vatora tuta
tutamaqi tuvi muntu naavu avutaqi
Ihuva vauraga vatora.



Vatovaro Ihuva irumanta vi vaiintinavuka náiqai tiha,
Quqaama maa vaiintira Ihuva ho
kogema kaanarove, tu
vaiintinavuka vauvaro
Ihuva vaata qutu
ravavu vaiintirara
tiharo, Ti
maaquvauvo, are
Kotira uva raqa
kaanara te vi uvara
ai nunkama amitauro,
tiro. Himpira nena
tainta utu varera nena
maaqaini vuanerama
turo, tiro.



Ihuva minti tivakero votuqi
vaariromanta vira vaintinavuvata
vira vataake votuqi
vaarire vurama.



Vika namari vaura vi vauvaro vaakama aaronaavano
varuva namariqaa noraiqamakero
utiharo namari ventaqi uri vi
vauvaro namarivano votu aqu
ravaaqavu kareva auti
vauvaro Ihuva viraqi
qaqi vaite vaura.



Vika minti tuvaro Ihuva vaitoraqihairo himpiro
tiharo, Ne nana haikarae voqamake geteha variavo?
Ne tiriara kempukaiqaake iriataara vaimanta kia
mintiavo, tiro. Minti tivakero Ihuva himpiro
aaronavata namarivata atuvaro
namarivano otiniro kia
inaaraiqavata
qakiraitiro, tirema
vaura. Tirema vaumanta
vira vaintinavu tave,

kauqu runkinkiriha tiha, Ike viva
nana vaiintivanoe vaivo?
Aaronavanovata
namarivanovata vira uva iri
vairave, tura.



Variqa Kotiva
vataini variakara voqamakero muntuka
vateharora tiro, viva nai Maaqu
vohaiqa vatataira tinavu timiro.
Mintirara ti, vaiinti nahenti vira
Maaquara quqaave tika kia qutuvi
taiga viraiti, vika ekaa enta
ekaa enta qaqi variqi
vivara.



Romeni 3:23 Tenavu ekaa Kotira uva raqake kia hoqamake vaunarara ti, tenavu kia ho Kotiva vainanaini voqaraanaini oru variariraukama vaunara.

Romeni 6:23 Qora okaravano nai kaiqa vaiinti qutu vuaina koqaaraqai nimi vaivarovata, Kotiva Nora Vaiinti Ihu Karaitira kaiqarao tiro, quminaiqama kero aqaa ekaa enta qaqi variqi vuaina okarara tinavu timira.

Hiparu 9:27 Maa vataraqaa varia vaiinti nahentika variqi vivi, vika vohaa tataaqai qutu vivaro Kotiva vikaqaa uva vateharo ko tianaro.



Epasaasi 2:8,9 Ne nenta kahaqi aarava kia vauvaro Kotiva ni aaqaa aqurihama nimateharo kogema nimitairara ti, ne Karaitirara quqaave tiavaro Kotiva ni kuvantu kero ntita varaira. Kotiva kia tenavu kaiqa vara amitaunarara iriraitiro, viva qaqi aaqaa mintimakero kogema timitairara ti, kiama ho tenavu tentanavu mahuta tiarirava vairo.

Romeni 10:9,10 Ne nenta noqihai qovaramake tiha, Quqaama Ihuva Noravano vaivo, tivakeha ne nenta muntukaqihai tiha, Quqaama Kotiva Ihura gutu vuraqihairo vara himpima kaivaro viva qaiqaa qaqi himpiro vaivo, tivera, Kotiva virara iriharo ni kuvantu keharo ntitaanaro. Ne nenta muntukaqihai vi uvarara quqaave tivaro Kotiva ni avugavugama nimitaanaro. Ne vi uvara noqihai qovaramake tivaro Kotiva ni kuvantu keharo ntitaanaro.



Ioni 3:16,17 Variqa Kotiva vataini variakara voqamakero muntuka vateharora tiro, viva nai Maaqu vohaiqa vatataira tinavu timiro. Mintirara ti, vaiinti nahenti vira Maaquara quqaave tika kia qutuvi taiga viraiti, vika ekaa enta ekaa enta qaqi variqi vivara. Kotiva nai Maaqu vataini atitovaro viva kia vaiinti nahentiqaa uva vatareva tuvitaraitiro, viva vika kuvantu kero ntitareva tuvura.

1 Ioni 5:11-13 Kotiva tiva govaramake vai uvava maantimama vairo: Tinavuara vika ekaa enta qaqi variqi vuata tiro, Kotiva nai Maaqu tinavuara iriharo vara kaira. Qaqi variqi vi varia okarava nai vira Maaquqi vairara tiro, vira Maaquntiro variqiro virava qaqi variqiro vuanaro. Kia Kotira Maaquntiro variqiro virava kiama qaqi variqiro vuanaro. Te ne Kotira Maaquara quqaa vivave ti variaka, ne ekaa enta qaqi variqi vi varia okarara kankomake iriate ti, te maa uvara ni qara ruva nimate vauro.



Matiu 8-9; Maaki 1-2, 4; Ruki 4, 8; Ioni 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Tairora North Bible (tbg) © 2012, Wycliffe Bible
Translators, Inc. All rights reserved.

<https://live.bible.is/bible/TBGWBT/GEN/1>

©2025 Bible for Children, Inc.

www.M1914.org

www.bibleforchildren.org

